



Komunikadu Imprensa

29 Janeiru 2013

Tribunál Distritál Dili aplika liberdade kondisionál ba kondenadu kazu tentativa omisidiu

Iha 25 Janeiru 2013 Tribunál Distritál Dili hala'o julgamentu ba prizioneiru Felix de Jesus ne'ebé kumpri ona metade husi pena ne'ebé nia halao tiha ona iha prizaun relasaun ho krime tentativa omisidiu.

Desizaun husi tribunál tranzitu-em-julgadu iha 13 Dezembru 2009 no pena-nia rohan iha 3 Janeiru 2016 no selu indemnizasaun sivil ba lezadu ho valor \$500. Atualmente kondenadu kumpri metade-de-pena, tanba ne'e tuir lei prosesual fó dalan ba tribunál atu avalia no fó liberdade kondisional ba prezu.

“JSMP louva autór judisiáriu sira tanba fó atensaun ba prizioneiru ne'ebé hala'o pena iha prizaun, atensaun ida ne'e prioridade atu asegura funsionamentu tribunál nian tuir Kódigu Prosesu Penal” dehan Diretor JSMP, Luis de Oliveira Sampaio.

Iha julgamentu kondenadu deklara ba tribunál katak nia prontu atu fila ba comunidade hodi kontinua nia moris hanesan comunidade bai-bain atu halo to'os, hare animal no sei la halo tan problema. Kondenadu ne'e mós ko'alia ba tribunál katak nia hetan liberdade ba moris iha comunidade, nia sei fan karau hodi selu indemnizasaun ho valor \$500 ba lezadu Vitor Mendonça iha prazu fulan 4 nia laran.

Tribunál sei halo notifikasaun ba iha prizaun atu bele notifika kondenadu Felix de Jesus hodi nia bele kumpri nia liberdade kondisionál ne'ebé tribunál hatun ona ba nia.

Kazu ne'e rejista iha tribunál ho Número Prosesu: 224/C.Ord/2008/TDD. Julgamentu prezide husi Dra. Jacinta Correia da Costa. Dr. Jose Landim husi Ministériu Públiku no arguidu hetan defeza husi Dr. Manuel Exposto husi Eskritóriu Defensória Públiku.

Atu hetan informasaun kle'an liu tan favor kontaktu:

Luis de Oliveira Sampaio
Executive Director of JSMP
Email: luis@jsmp.minihub.org
Landline: 3323883 / 77810637
www.jsmp.tl